

**SPECIMEN IURIS DE  
CAUTELIS  
ADVOCATORUM CIRCA  
FORMULAM PROBANDI  
WAHR SAEPE...**

---

Gottlob Thomasius, Johann Wilhelm  
Töpffer, Valenti Gonzaga

ORDER OF THE

V I R O  
PLVRIMVM REVERENDO  
AMPLISSIMO ATQVE DOCTIS-  
S I M O  
D O M I N O  
M. IOAN. IVSTO  
TOEPFERO

DIACONO ECCLESIAE COLDICENSIS  
LONGE MERITISSIMO  
*PATRI SVO AETATEM ADMODVM  
DEVENERANDO*

HOS  
QVALESCVNQVE CONATVS  
IVRIDICOS  
CEV PRIMVM PIETATIS IN IPSVM SVAE  
MONVMENTVM  
CVM VOTORVM NVNCVPATIONE  
P R O  
DIVTVRNA IPSIVS VITA ET FELICITATE  
DEBITA OBSERVANTIA  
OFFERRE  
VOLVIT

FILIVS RIVS OBSEQVIOSISSIMVS  
IOAN. GVILELMVS Töpffer.

OFFICE  
OF THE  
COMMISSIONER  
OF THE  
LAND OFFICE  
WASHINGTON, D. C.  
JAN 10 1900

RECEIVED  
JAN 10 1900  
LAND OFFICE  
WASHINGTON, D. C.

RECEIVED  
JAN 10 1900  
LAND OFFICE  
WASHINGTON, D. C.



## LECTOR BENEVOLE.

**C**autelas ciuiles iuridicas *magno Prooemium.*  
*in pretio habendas esse, atque  
haberi, inter omnes fere con-  
stat, interim tamen quaedam  
earum inueniuntur, quae, si non  
omni ex parte, saepe certe, et  
vt plurimum, tanquam periculosae, essent da-  
mnandae. Iam vero cum nobis certis de causis,  
ex improviso sit disputandum, neque penuria  
temporis permittat, pagellam materia quadam  
exactissime elaborata replere; animus est, ea-  
rum cautelarum aliquam, apud Aduocatos, cir-  
ca formulam probandi: Vahy, occurrentem,  
in medium proferre, hac mente, vt cognosci pos-  
sit, formulam hanc in articulis, super quos te-  
stes*

*stes examinandi, saepe, aut ut plurimum, tanquam periculosa, non esse toleranda, et in observatione cautelarum civilium iuridicarum, semper iustitiam cum prudentia esse combinandam. Festinationem vero nostram in praesenti excusabis. Vale!*

## §. I.

*Fundamentum rubri.*

**S**criptores de modo procedendi in iudiciis EL.Sax. quoad doctrinam de elaborandis articulis probatorialibus, indistincte docent, *articulos probatoriales* nullius omnino esse momenti, nisi *affirmatiue* per vocabulum: *Wahr, daß* &c. incipiantur, fundamentum huius formulae, fortasse, quaerentes, tum ex *cap. I. de Confess. in 6to.* cuius verba haec sunt :

*Statuimus, ut positiones negatiuas (quae probari non possunt, nisi per confessionem aduersarii,) iudices admittere possint, si aequitate suadente viderint expedire.*

tum ex l. 23. C. de probat. vbi:

*Actor, quod asseuerat, probare se non posse profitendo, reum necessitate monstrandi contrarium non adstringit, cum per rerum naturam factum negantis probatio nulla sit.*

tum vero maxime ex *usu et consuetudine.* Nihil autem horum ad confirmandam eorum sententiam aliquid conferre, ex sequentibus luculentius apparebit.

## §. II.

## §. II.

**Q**uod eorum sententiam, qui fundamentum huius formulae quaerunt, in duabus legibus, §. *antec.* iam allegatis, spectat, illa ex eo solo corrui, quod ne verbum quidem ibi de formula: **Wahr**, in articulis probatorialibus adhibenda reperiatur. Qua de re cum in eo sese frustratos esse sentiant, vltimum, *consuetudinem* a) ad dictam sententiam corroborandam, aliquid collaturum, existimant, non considerantes, vtrum omnia ad consuetudinem pertinentia adsint requisita, cum alias verius dicenda sit corruptela. b)

## §. III.

**L**icet vero illam formulam, forsitan vsu et consuetudine introductam, non *generatim* damnemus, cum per se nihil, nec ad bonam, nec ad malam conferat causam, experientia tamen docemur, eam, si nempe articuli non documentis, non oculari inspectione, non per iuramenti delationem, sed alio probandi modo et *testibus* aut tantum, aut coniunctim probantur, interdum eo fine, tanquam cautelam, adhiberi, vt, testibus super articulis obiter rogatis, hisque sine respectu iustitiae causae, ob vocabulum: **Wahr**, ad affirmatiuam depositionem callide adductis, altera pars innocens succumbat, et condemnetur. Quocirca operae pretium est, §. *seq.* demonstrare, quod haecce specialis cautela, ceu illicita, et consuetudo, ceu irrationalis, hoc casu prorsus sit omittenda, nisi hic finis cesset. Sequus quoque est in articulis positionalibus, c) quas MARTINI cum nostris articulis confundit.

## §. IV.

a) *Ludov. Günth. MARTINI Commentar. ad O. P. S. Tit. XX. §. 7. n. 2.*

b) *C. fin. X. de consuet.*

c) *R. I. de Ao. 1654. §. 49. O. Cam. de anno 1555. Tit. 15. §. 4.*

## §. IV.

*Tractatio, et  
demonstratio  
thematicis no-  
stri.*

**P**rimum, quod haecce cautela seu periculosa atque illicita, sit reiicienda, ita probamus: Neminem latet, **CAUTELAM CIVILEM LICITAM** eiusmodi esse *cautelam, qua, salvis legibus iustitiae civilibus, secundum regulas prudentiae, ex mediis pluribus optimum eligitur, ad finem aliquem civilem obtinendum.* Iam vero in cautela eo sine adhibita, vt, testibus super articulis obiter rogatis, hisque sine respectu iustitiae causae, et libertatis testium, ob vocabulum **Wahr**, ad affirmatiuam depositionem callide adductis, altera pars innocens succumbat, et condemnetur, secundum regulas prudentiae, ex mediis pluribus optimum non eligitur ad finem aliquem civilem licite obtinendum. E. haecce cautela, eo sine adhibita, vt testibus super articulis obiter rogatis, hisque sine respectu iustitiae causae, ob vocabulum; **Wahr**, ad affirmatiuam depositionem callide adductis, vt altera pars innocens succumbat, et condemnetur, est periculosa, adeoque tanquam illicita reiicienda.

## §. V.

**A**lterum, quod haecce consuetudo, seu irrationalis, sit reiicienda, ita demonstramus: Consuetudo rationalis est eiusmodi consuetudo, quae facit ad reipublicae utilitatem, et iuris civilis principium conseruandum. d) Iam vero consuetudo illius cautelae civilis, eo sine adhibitae, vt, testibus super articulis leuiter rogatis, et sine respectu iustitiae causae, et libertatis testium, ob vocabulum **Wahr**, ad affirmatiuam depositionem callide adductis, altera pars innocens succumbat, et condemnetur, licet introducta sit, est eiusmodi consuetudo, quae non facit ad reipublicae utilitatem, et

d) c. XI. X. *ibid.*



et iuris ciuilibus principium conseruandum. E. consuetudo illius cautela ciuilibus, eo fine adhibitae, vt, testibus super articulis rogatis, et sine respectu iustitiae causae, et libertatis testium, ob vocabulum: **Wahr**, ad affirmatiuam depositionem callide adductis, altera pars innocens succumbat, et condemnatur, non est rationalis, sed irrationalis, eoque nomine prorsus omittenda.

## §. VI.

**H**Oc vt eo melius intelligatur, quod nimirum haecce specialis cautela sit illicita, eiusque consuetudo irrationalis, sequenti casu propositum nostrum prius sumus illustraturi: *Illustratio per casum.*

*In loco quodam, olim, duo ratione materiae fabricandae aequalia, ast in poliendo manifeste distincta opificia, de finibus regundis tandiu disceptarunt, donec per quosdam fabricationis terminos, non cuiuslibet satis cognitos, litem quasi composuerint. Egerunt nempe fabri ferrarii contra fabros ferarios (si ita loqui licet,) illi hos inculpauerunt, quod hi unicuique omnia ex ferro opera pariter cuderent, atque sic fabricationis lucrum impedirent, hi opponebant, et excipiebant communionem peritiae artis, quoad conficiendum ferrum, atque hinc, cum se maiorem fabricationis facultatem consecutos existimarent, hanc simul sibi, imo vero plus arrogabant, et ferrum poliendi, atque firme in locum suum redigendi ius, potissimum obiciebant, cuius turbationem, licet satis diuersam, mutuo illis interdici, contendebant. Vt itaque haec lis ardua, ad transactionis instrumentum, ab ipsis conceptum, atque oblatum, componeretur, species quasdam callide determinabant actores; quas vel separatim, vel coniunctim cum his essent facturi: v. g. id, quod sub nomine: **Andser**, comprehenditur, sibi solis adscribebant*

B

acto-

actores. Ast hoc non obstante, paullo post lis pristina, magis ac magis resuscitata, ultra seculi dimidium producebatur, eo quod cognoscebatur, actores, ad reos sensim tam a cudendo, quam eius lucro captando, omnino excludendos, in dicta transactione singulis terminis latissimum tribuisse significatum. Statim enim compertum est, actores omnia, quae quouis modo ligarent, sine distinctione: **Unde**, vocasse, unde metuendum erat, ne illi demum vna cum ligamentis seras hypocaustorum reis ferme essent praecepturi, quoniam iidem fores ligarent, iisque pessulus obderetur. Porro diuersum ligamenta cloacarum conficiendi modum sine discrimine postulabant, non respicientes ad id, an simpliciter condurata, an vero mathematice essent extructa? etc. et per consequens reliqua etiam opera antea innominata generatim, licet actorum captum, iis nunquam visis, superassent, si modo quasi ligarent, reis plane interdicti successu temporis petebant, idque semper per modum nudae denunciationis faciebant, donec tandem aliquis reorum magno labore ordinarium procurasset processum, litemque negando esset contestatus; Aduocatus vero actorum testes huius opificii rudes, eiusque excogitatorum terminorum imperitos, per interrogationem articulorum: **Wahr, daß, praecoccupandos curasset. Testes enim duos fabros lignarios, et vnum operarium producebat, atque tunc reliquis articulis interponebat sequentes:**

Art. - -

Wahr, und hat Anno - - in das itzo - -  
vormahlige - - Haufs in der - - Straßse  
der Schloßer Meister - - die Hänge-Eysen an  
die Balcken gefertiget?

Art.

Art. - -

Wahr, und weifs Zeuge, wie viel Stück von jeder vor-  
bemelter Eysen-Arbeit der Schlösfer, Meister - -  
in das - - Haus Anno - - gefertigt, und wie  
viel deren an der Zahl gewesen?

Art. - -

Wahr, dafs bey diesem Anno - - in dem - - Hause  
in der - - Strafs vollführten Bau kein Schmidt  
an Eysen-Arbeit etwas zu machen gehabt?

Art. - -

Wahr, und hat Meister - - in das - - Haus  
auch Gabel und Ancker-Arbeit, Schurtz-Eysen, in-  
gleichen auch Hänge - Eysen, oder andere grobe  
Schmiede-Arbeit mehr gefertigt, und geliefert, und  
wenn solches geschehen, wie viel Stück es von jeder  
Sorte gewesen?

Nonne ex hocce quiuis statim cognoscit, finem proban-  
tis propositum nullum aliū fuisse, quam §.3. adductum?

## §. VII.

**E**Quidem hoc loco obicere quis posset, quod hoc fine et *Obiectiones*  
medio prohibito leges prudentiae violentur, id quod non *remouentur.*  
negamus, sed illud potius maxime vrgemus, in cautelis ci-  
uilibus obseruandis iustitiam semper cum prudentia esse con-  
iungendam. Nam cum prudentia consistat in habitu adae-  
quatae applicationis, et combinationis finium cum medijs,  
et mediorum cum fine, et combinatio ista cum lege vel con-  
ueniat, vel non item, sequitur, vt haecce cautela, prout cum  
lege combinata est, vel non, possit esse vel prudens, vel im-  
prudens. Iam vero cum omnis adaequata applicatio, et  
combinatio finium et mediorum secundum leges fieri de-

B 2

beat,

beat, et haec combinatio secundum leges facta constituat combinationem iustitiae cum prudentia, consequens est, ut prudentia cum iustitia combinetur.

### §. VIII.

*Obiectio se-  
cunda.*

Consimili ratione haecce nobis fieri possit *obiectio*, nos nondum probasse, quomodo fiat, ut testes per vocabulum: **Wahr**, ad falsam inuitentur depositionem. Neque immerito. Hoc autem reapse fieri posse, et testes, prout sub vocabulo: **Wahr**, intelligunt vocabulum *praedicatum*, quod cum vocabulo *subiecto* vel ideae certae, vel incertae potest combinari, vel semper vere, vel non semper, sed modo vere, modo falso deponere, ex sequentibus cognosces. Testes enim sub vocabulo: **Wahr**, intelligunt vocabulum *praedicatum*, quod cum vocabulo *subiecto* vel ideae certae, vel incertae potest combinari. Nam plures ideas vocabulum **Wahr**, ad *affirmationis* et *negationis* existentiam determinandam, non complectitur, neque etiam pauciores. Si sub vocabulo: **Wahr**, intelligunt vocabulum *praedicatum*, quod cum vocabulo ideae certae seu positivo: e.g. *es ist wahr*, potest combinari, non pro natura sensationis suae, sed ex imprudentia *affirmatiue* tantum testantur, nec *negatiue*; Sin sub vocabulo: **Wahr**, intelligunt vocabulum *praedicatum*, quod cum vocabulo ideae incertae, s. interrogatio, e.g. *ist es, oder ob es wahr?* potest combinari, semper, pro natura sensationis suae, ex prudentia vel *affirmatiue*, vel *negatiue* testantur. Si pro natura sensationis suae vel *affirmatiue*, vel *negatiue* testantur, semper vere; sin vero non pro natura sensationis suae, sed ex imprudentia *affirmatiue* tantum deponunt, non semper vere, sed modo vere, modo falso deponunt. E. testes, prout sub vocabulo: **Wahr**, intelligunt *praedicatum*, quod cum vocabulo *subie-*

subiecto vel ideae certae, vel incertae potest combinari, vel semper vere, vel non semper, sed modo vere, modo falso deponunt. Hoc autem vt perspiciatur, *interrogatoria*, si quae ab altera parte oblata fuerint, cum articulis, super quibus examinati sunt testes, sunt conferenda. Ibi tum enim depositiones sibi inuicem vel respondent, vel non item; si prius, vere deposuerunt, sin posterius, falso. Nec obstat obiectio: Quicumque testari debet, rogatur? E. sub vocabulo: **Wahr**, semper intelligere debet vocabulum *praedicatum*, quod cum vocabulo *subiecto* ideae incertae, s. interrogatio potest combinari. Ast hominem imprudentem per vocabulum: **Wahr**, interrogatum, aequiuocationem non statim considerare, et, si eam considerat, dubium esse, quonam significato in probatione hocce vocabulum sumatur, ex antea dictis satis superque elucescit.

## §. IX.

**Q**uod si quis porro obiiciat: eo nomine adinuenta esse *Obiectio ter-  
interrogatoria, (s. quaestiones, quas pars aduersa, der-  
tiae.* *PRODUCT, ratione testium, contra se productorum, atque  
de negotii circumstantiis format, et effingit,)* vt super iis, ad eruendam veritatem, eo distinctius testes examinentur, e) ideoque aliquem in superiori casu §. 6. adducto v. g. sequentia interrogatoria generalia praemittere:

Ob Zeuge das Schlußser, oder etwan das Huff-Schmie-  
de-  
B 3

- e) Vid. Dn. Iob. Gotthofred. KRAVSSII *de processu Saxanico  
longe meritissimi PROCESSVS IVDICIARIVS L. I.  
C. 3. Sect. 2. §. 14. pag. 105.*

*de-Handwerck, Handwercks-Gebrauch nach, erler-  
net habe ?*

*Ob dabero Zeuge eigentlich sagen könne , welche  
hauptsächliche*

*Trag - Eyssen,  
Hänge-Eyssen ,  
Schurtz - Bänder ,  
Schurtz - Eyssen ,  
Zug-Eyssen an Secret-Röhren,  
Gebinde um Secret-Röhren,  
Zimmer-Clammern,  
Zug-Nagel,  
Polzen mit Scheiben,  
Vnter- oder Vorleger,  
Garten-Kübel,  
Garten-Fässer,  
Aucker- und Gabel-Arbeit sey?*

*nec non ad dicti casus artic. I. pag. 10. sequens speciale iudici  
exhibere posse :*

*Ob denn die Balcken des - - Hauses in der Schwe-  
be bingen, oder warum Zeuge sonst die in Arti-  
cul erwehnten Eyssen praecise Hänge - Eyssen  
beisse?*

tamen neque iudicem neque productum, cum antea, quam  
super interrogatoriis specialibus deponant, super articulis  
probatorialibus testes examinentur, et per formulam pro-  
bandi *Wahr*, vti §. 8. demonstratum, ex imprudentia  
saepe

saepe et vt plurimum magis ad erroneam incitentur depositionem, finem veritatis eruendae assequi posse, credibile est, quoniam, cognito ex interrogatorio speciali errore, testes periurii poenam metuentes, et erubescences, vix ac ne vix quidem a sua depositione sint discessuri. Quam ob rem etiam interrogatoria hoc casu ad hunc finem consequendum nihil facere, quiuis sanioris doctrinae homo facili negotio percipiet.

## §. X.

**H**Oc loco quaerat forsitan aliquis, neque iniuria, annon huic malo a iudice vel actuario possit mederi? Id quod non negamus. Nam cum iudicis, vel actuarii sit, testes super articulis examinare,isque sciat, quod testes de rebus sensu-  
Modus corrigendi caute-  
lam.  
 alibus, certe, clare, et modo cum interrogatis conueniente, f) deponere debeant, ipsi incumbit, vt, quo de clara, certa, et cum interrogatis conueniente constet depositione, natu-

f) c. 37. X. de test. in verbis: eos diligenter examinare procures, et de singulis circumstantiis prudenter inquirens, de causis videlicet, personis, loco, tempore, visu, auditu, scientia, credulitate, fama, et certitudine cuncta plene conscribas. Debent enim testes de artis suae peritia, et, quantum ipsi sensibus perceperunt, deponere, neque alienis rebus, sensibus non perceptis, sese immiscere, deque iis iudicare, cum testis de iudicio suo deponentes nihil probent. MARTINI ad O. P. S. Tit. 20. §. 3. n. 209. CARPZ. Proc. t. 13. A. 4. n. 39. Quocirca etiam sola testatione prolata, neque supra dictis legibus, ceu legitimis ad vere testandum adminiculis, sussulta, causa probata nullius est momenti, imo vero liberum est productio, nonnam urgere examinationem. l. 4. C. de test.

naturam cuiusque articuli testibus, antequam super interrogandis deponant, explicet, et vocabulum: *Wahr*, ubiuis omittat, loco eius: *Ob x.* posito. Ne vero Actuarius iudicii, vel iudex in eo sit remissior, Aduocatus alterius partis circumducendi id potissimum curet, vt vel ante terminum, exhibitis articulis, vel in termino productionis, ante depositionem testium, hoc vrgeat, et Actuarium ea causa moneat.

## §. XI.

**P**Lura proponere, temporis penuria non permittit, sed potius nos cogit, vt finem huius speciminis nostri faciamus, atque lectorem beneuolum rogemus, vt, si qua re erratum esse cognouerit, id et virium nostrarum imbecillitati, et nimiae nostrae festinationi vnice tribuendum esse existimet, de nobis certo persuasus, nos optime scire, quantum sit, quod nesciamus. Qua spe fretus illud cuique commendatissimum esse velimus, vt in ciuilibus cautelis cum religione obseruandis semper id potissimum cogitet, se hunc finem consecuturum, si prudentiam cum iustitia coniungat. Ita vale, nobisque, licet incognitis, faue.

F I N I S.

